



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Loron 26 fulan-janeiru tinan 2021

Komunikadu Imprensa

**Governu Timor-Leste nian hato'o ninia kondolénsia
ba Sabino Soares "Guntur" ninia mate**

Ho laran triste no neon kraik tebes maka Governu Timor-Leste simu informasaun katak Sabino Soares "Guntur", Deputadu Parlamentu Nasionál no Vise-Prezidente ba Komisaun Polítika Nasionál husi Partidu Libertasaun Populár nian (PLP), mate ona iha loron 23 fulan-janeiru tinan 2021, iha Ospital Nasionál Guido Valadares, iha Dili.

Sabino Soares "Guntur" moris iha loron 8 fulan-jullu tinan 1975, iha Lelalai, iha Postu Administrativu Kelikai, Munisípiu Baukau.

Nu'udar membru fundadór PLP nian, hahú fulan-juñu tinan 2018, nia hahú funsaun hanesan deputadu Parlamentu Nasionál Lejislatura V nian no membru husi Komisaun Edukasaun, Juventude, Kultura no Sidania (Komisaun G) nian.

"Guntur" iha papél importante ida iha Frente Klandestina, durante Luta ba Libertasaun Nasionál, no da labarak maka nia sai hanesan vítima husi prizaun no tortura, durante período ida-ne'e.

Portavós Governu nian, Ministru Prezidénsia Konsellu Ministrus, Fidelis Manuel Leite Magalhães, lori Konsellu Ministrus no Governu tomak nia naran, apresenta ninia sentidas kondolénsias ba estimadu "Guntur" nia família no belun sira no hateten katak "ami lamenta ho ninia mate, maibé ami la haluha no ami fó onra ba ninia ninia liman-rohan husi moris ida-ne'ebé nia dedika sein kondisaun ba pátria no ba povu timoroan". **REMATA**



Palácio do Governo,
Avenida Presidente Nicolau Lobato,
Dili, Timor-Leste